



Broj: 04/5-05-1-2353-3/16  
Sarajevo, 2. 11. 2016.

**PREDMET:** Informacija o učešću delegacije PSBiH u PSNATO u radu Specijalne grupe za Mediteran i Srednji istok PSNATO, Rim, 28-30.10.2016.

Predsjedavajući Delegacije Parlamentarne skupštine Bosne i Hercegovine u Parlamentarnoj skupštini NATO (PSNATO) Nikola Lovrinović i član Delegacije Asim Sarajlić učestvovali su u zasjedanju radnih grupa Potkomisija PSNATO za NATO partnerstvo, koje je održano u Rimu od 28.-30.10.2016.godine. Na seminaru, posvećenom raspravi o radikaliziranju i terorizmu u Europi i zemljama MENA, pored članova PSNATO okupila se i Specijalna grupa za Mediteran i Srednji istok PSNATO, koja je pored Senata i Delegacije Parlamenta Republike Italije u PSNATO bila i domaćin ovom skupu.

Na skupu, koji je predstavljao i pripremnu raspravu za Godišnju konferenciju PSNATO u Istanbulu u novembru 2016. godine, razgovarano je o posljedicama migracijskog talasa u zemljama Zapadnog Balkana, kao i o procjenama u vezi s budućim događajima u ovom regionu u svjetlu migrantske krize.

Tokom seminara, predstavnici zakonodavne i izvršne vlasti i predstavnici policijskih agencija i bezbjednosnih službi u zemljama Zapadnog Balkana pozvani su da blisko sarađuju i da zajednički, u saradnji sa predstavnicima međunarodne zajednice u regionu, procjenjuju stanje i eventualne probleme i prijetnje koje bi donio novi talas migracija.

S tim u vezi, razgovaralo se i o bezbjednosnim izazovima u zemljama Zapadnog Balkana, gdje su, kako je rečeno, identifikovani brojni oblici radikalizma. Kao poseban problem istaknut je odlazak mladih ljudi na strana ratišta, te njihov povratak u zemlju i zajednicu u kojoj su živjeli.

Tokom dvodnevnog seminara, na kojem je, zajedno sa Delegacijom PSBiH u PSNATO, učestvovala i ambasadorica BiH u Italiji Željana Zovko, bilo je riječi o aktuelnoj situaciji i pronalaženju rješenja u Siriji i Iraku, o sigurnosnoj situaciji u Libiji i Sjevernoj Africi, kao i o upravljanju migracijskim kretanjima i kontroli granica.

Posebno su analizirane političke i gospodarske posljedice migracijske krize u Europi i Sjedinjenim Američkim Državama, a razmijenjene su i informacije o strateškim vezama regiona Zapadnog Balkana sa regionom Sjeverne Afrike i Srednjeg istoka, po pitanju migracija.

**PREDSJEDAVAJUĆI DELEGACIJE  
Nikola Lovrinović**